

## ORDENANZA FISCAL N° 24

### TAXA POLA INSTALACIÓN DE POSTOS, BARRACAS, CASETAS DE VENDA, ESPECTÁCULOS, ATRACCIÓN DE RECREO, SITUADOS EN TERREOS DE USO PÚBLICO LOCAL, ASÍ COMO INDUSTRIAS AMBULANTES E DE RODAXE CINEMATOGRAFICA.

#### **ARTIGO 1º.- FUNDAMENTO E RÉXIME.**

No uso das potestades conferidas polos artigos 133.2 e 142 da Constitución e polo artigo 106 da Lei 7/85, de 2 de abril, reguladora das Bases de Réxime Local e ó abeiro do disposto no artigo 20.3. n) da Lei 39/88, reguladora das Facendas Locais, este Concello establece a Taxa pola instalación de postos, barracas, casetas de venda, espectáculos, atraccións de recreo, situados en terreos de uso público local, así como industrias ambulantes e de rodaxe cinematográfico, que se rexerá pola presente Ordenanza, redactada conforme ó disposto no artigo 16 da Lei 39/88 citada.

#### **ARTIGO 2º.- FEITO IMPOÑIBLE.**

1.- Constitúe o feito imponible deste tributo a ocupación de terreos de uso público municipal con instalacións de carácter no fixo, para o exercicio de actividades de venda de calquera clase ou as que estean destinadas a espectáculos de recreo ou rodaxe cinematográfico, así como para o exercicio de industrias ambulantes.

2.- Non están suxeitas a esta taxa as actividades de venda ambulante realizadas na Praza do Concello nos días de mercado e feira, así como a venda que se realiza en terreos públicos fóra do Mercado Gandeiro, que se rexerán polo establecido na Ordenanza Fiscal nº 11 e pola Ordenanza Fiscal nº 14, respectivamente.

3.- Igualmente, tampouco estarán suxeitas a esta taxa os aproveitamentos realizados nos días de festas patronais, xa que o Concello cede ás respectivas Comisións de Festas a xestión e aproveitamento do dominio público destinado á colocación de postos e barracas.

#### **ARTIGO 3º.- SUXEITOS PASIVOS.**

Serán suxeitos pasivos contribuíntes as persoas físicas ou xurídicas, así como as entidades ás que se refire o artigo 33 da Lei Xeral Tributaria, ás que se lles autorice para efectua-lo aproveitamento do dominio público municipal, segundo o previsto no artigo anterior.

#### **ARTIGO 4º.- RESPONSABLES.**

1.- Responderán solidariamente das obrigas tributarias do suxeito pasivo tódalas persoas que sexan causantes ou colaboren na realización dunha infracción tributaria.

2.- Os copartícipes ou cotitulares das entidades ás que se refire o artigo 33 da Lei Xeral Tributaria responderán solidariamente en proporción as súas respectivas participacións das obrigas tributarias das devanditas entidades.

3.- Os administradores das persoas xurídicas que non realizaren os actos da súa incumbencia para o cumprimento das obrigas tributarias da sociedade que administran, responderán subsidiariamente das débedas seguintes:

- a) Cando se cometa unha infracción tributaria simple, polo importe da sanción.
- b) Cando se teña cometido unha infracción tributaria grave, da totalidade da débeda esixible.
- c) Nos supostos de cesamento das actividades da sociedade, do importe das obrigas pendentes na data de cesamento.

4.- A responsabilidade esixirase en todo caso nos termos e con arreglo ós procedementos previstos na Lei Xeral Tributaria.

#### **ARTIGO 5º.- BENEFICIOS FISCAIS.**

De conformidade co disposto no artigo 9.1 da Lei 39/88, de 28 de decembro, non se recoñece beneficio tributario algún, agás os que sexan consecuencia do establecido en normas ou Tratados Internacionais ou que estean previstos en normas con rango de Lei.

#### **ARTIGO 6º.- TARIFA.**

1.- A contía da taxa regulada nesta Ordenanza Fiscal farase efectiva conforme ás seguinte tarifa..... 0,450759 €/m<sup>2</sup> por día de ocupación.(75 ptas)

2.- Para a determinación do número de metros cadrados, tomarase en consideración o perímetro total de dominio público ocupado, incluíndo dentro do mesmo os elementos adicionais á colocación dos postos, barracas ou casetas de venda.

3.- Calquera que sexan os metros cadrados ocupados e o período temporal de ocupación, aplicarase como cota tributaria mínima a cantidade de 6,01 € (1.000 ptas).

#### **ARTIGO 7º.- RETRIBUCIÓN.**

Retribuirase a taxa e nacerá a obriga de contribuir no momento do outorgamento da licenza ou desde que se inicie o aproveitamento, no caso de que non se teña solicitado licenza.

#### **ARTIGO 8º.- NORMAS DE XESTIÓN.**

1.- As persoas interesadas na concesión dos aproveitamentos regulados nesta Ordenanza Fiscal deberán solicitar previamente a correspondente licenza, na que se indicará a superficie a ocupar e o tempo de ocupación. Unha vez recibida a devandita solicitude, remitirase copia á Xefatura da Policía Local, para que se emita informe sobre a as dificultades ou atrancos que poida supor a ocupación temporal para os demais usuarios

do dominio público.

2.- De conformidade co disposto no artigo 24.4 da Lei 39/88, do 28 de decembro, cando o aproveitamento privativo regulado nesta Ordenanza teña como consecuencia a destrución ou deterioro do dominio público local, o beneficiario, sen prexuízo do pago da taxa correspondente, estará obrigado ó reintegro do custo total dos respectivos gastos de construción ou reparación e ó depósito previo do seu importe. Se os danos fosen irreparables, a entidade será indemnizada nunha cantidade igual ó valor dos bens destruídos ou danados

3.- A liquidación da taxa será aprobada no mesmo acto de concesión da licenza e notificarase de inmediato ó suxeito pasivo. Por Decreto da Alcaldía, que será obxecto de publicación no Boletín Oficial Provincial, poderase estable-lo sistema de autoliquidación para o ingreso desta taxa.

### **ARTIGO 9º.- INFRACCIÓNS E SANCIÓN.S.**

No tocante á calificación das infraccións tributarias, así como as sancións que correspondan en cada caso, estarase ó disposto no artigo 77 e seguintes da Lei Xeral Tributaria.

### **DISPOSICIÓN ADICIONAL.**

As cotas tributarias fixadas para cada aproveitamento no artigo 6 desta Ordenanza modificaranse anualmente de acordo coa variación do Índice de Prezos ó Consumo que sinala o Instituto Nacional de Estadística. O resultado da aplicación deste índice redondearase sempre, por exceso ou por defecto, á centena superior ou inferior.

### **DILIXENCIA.- OBSERVACIÓNS DE VIXENCIA.**

Aprobación: Sesión Pleno 26/10/1999. B.O.P. 31/12/1999.

Modificación: Sesión ord. Pleno 19/11/2001. B.O.P. nº 298 do 31/12/2001.

Modificación: Sesión extraord. Pleno 22/12/2003. BOP nº 183 do 10/08/2004.

### **PLANO ANEXO ÁS ORDENANZAS FISCAIS 21, 23 e 24**

### **PLANO DE CATEGORÍAS DAS VÍAS MUNICIPAIS**



**LENDAS:**

- Vías de categoría 1ª: Cor marela
- Vías de categoría 2ª. Cor vermella/rosa
- Vías de categoría 3ª: Cor azul
- Vías de categoría 4ª: Resto de vías

